

تصريحات الرئيس محمد أنور السادات

للصحفيين بأسوان

فى ٢٣ يناير ١٩٨١

سؤال : سيادتكم ارسلت رسالة الي رئيس النيجر قلت فيها انك لن تسمح بحدوث ما حدث في تشاد مرة أخرى .. هل سيادتكم ستستعمل الحل او التدخل العسكري لأي دولة افريقية ؟

الرئيس : انا قلت انه فيما يختص بالسودان سنتدخل مع السودان من أول لحظة بلامناقشة بكل ما نملك

سؤال : والدول الافريقية الأخرى

الرئيس : السودان لأنه علي حدودنا انا مقدرش اقول للدول الافريقية الأخرى لكن أي معونة يطلبونها سأعطيها لهم .. معونة بالسلاح طبعا ولكل جندي ، مع السودان والجندي المصري جاهز علشان يقف مع السودان

سؤال : هل جرت اتصالات بين مصر والادارة الامريكية

الرئيس : لسه .. بعد ما كان هناك النائب مبارك ، وتقابل مع مساعدي الرئيس ريجان محصلش اتصال ثاني وذلك طبعا لحين مايقفوا جاهزين لهذا

سؤال : وماذا تتوقع سيادتكم ؟

الرئيس : اتصور انه في فترة قريبة لابد سنبدأ الاتصالات وهانكون احنا مفتحين لأنه اذا احتاج الرئيس الامريكي ريجان وقت علشان يلم بتفاصيل الموضوع ، احنا مش هانكون مستعجلين في هذا بياخذ وقته علي مايلم باطراف الموضوع وبعدين احنا بنتصور ان يكون هناك اتصال ثنائي في المرحلة الاولى

يعني ثنائي بين امريكا ومصر وبين امريكا واسرائيل ثم بعد ذلك نبقي نتكلم في المؤتمر الثلاثي لأن لازم قبل كده الرئيس ريجان يقول رأيه في الاقتراح اللي انا قلته بعقد قمة ثلاثية في امريكا

سؤال : بالنسبة لقضية تشاد سيادتكم اعلنت انه سيكون هناك اتصالات بدول افريقية فهل هناك اتصالات ؟

الرئيس : طبعا .. الاتصالات ماشية علي مستوي الدول الافريقية وماشية بيننا وبين السودان